

周氏宅基支譜

第三冊

| |
|------|
| 254 |
| 7722 |
| 3 |

完赤周公暨配華孺人合傳

義字喻夫別號完赤出自東吳公瑾公裔至宋

以解元登進士家於錫累傳至力田公始徙居宅基又

庠彥曉江公配王孺人實生公昆季四人公其仲也生而穎異

甫十歲能文章十四歲值歲大饑邑父母命各鄉販濟時曉江

公雀鼠爨集公即佐之捍難於家普惠於鄉無不曲中肯綮弱

冠後補博士弟子員丙午秋闈幾雋而復失先後居父母喪皆

盡誠盡禮處伯季間爲弟能悌爲兄能友生平樂善輕財好行

其德所謂敦本恤族排難解紛諸勝事不可枚舉所最彰彰者



公之姊君曹復晉李行甫二公產皆中落復晉歿公爲綜理家
政維持保禦俾二孤克有成立李欲徙居江上公念疎遠茂由
通問爲之授廩宅傍時相饋遺一友以絕產向伯兄益價兄不
允公私以十金贈焉卽友亦不知也有曾售田於公者公憐其
窘以原田歸之其人感謝至今傳誦不已偶過毘陵遇有兄弟
以七金之負訟於官公代償之謂曰七金甚小何傷手足情乎
居恒勤以持家儉以節性讓以居身曰吾願後人師此庶不墮
前人遺緒以曾王父月林公有思艱錄爲作續思艱錄垂示子
孫會崇禎末賦役繁興公以言觸當事產落役增人咸爲慮公

曰天下事當爲天下任之不可謝之於人天下財當爲天下共之不可私之於己復曰貧富天也吾弗克以文章事業報國往役之義猶憚勞耶兩經北運遂挺然以身肩之壬午秋力疾至京倍受辛苦甫竣事竟卒於邸元配華孺人鵝湖貞固先生八代孫邑廩生涵峯公女也自于歸後孝事兩尊能體公之心以爲心至摻家力作躬先董率卽蕞蕤之鑄無不親自啟閉乃若延師課讀雖猶子及中表戚屬來就業者亦必一體治具而玉成之卓哉孺人真可爲具婦德而媀母儀者以成公之高誼其裨益豈淺鮮哉今叔君旣登賢書繩其祖父諸子姓鸞翔鵠峙

誥誥若林是果何以致之語云百年之計在乎樹德公與孺人
蓋厚於德者宜其食報之靡涯也

順治己丑科進士

敕授杭州府餘杭縣知縣辛卯科文武兩闈同考官

擢陞兵部副郎同里年眷侄費國暄頓首拜撰

...

...

...

曰天不...

完一公傳

公諱懷忠字士克號完一常州府學增廣生篤行敦倫侍父曉
江公疾呼天籲代父歿哀毀切至兩目喪明終身成疾母王孺
人熒熒在疚公晨昏問視倍加敬慎事無大小必請命有順無
違事兩兄撫幼弟友愛肫篤析箸時田產腴瘠室廬好惡槩不
問弟罹宦室齟齬公傾囊排解誠感患消居恒閉戶靜修不專
事咕嗶必以存心養性慎言謹行爲本其書紳銘壁惟以全本
來之面目此心可對人言爲一生得力處爲文根極理要貫串
六經諸史百氏而歸于醇古又性喜翰墨書法宗朱晦翁暇日

手錄莊子不輟曰以此適性怡情勝于博奕百倍胸襟灑落不屑屑治生計親朋至輒呼樽飲竟日亦不至大醉遇人急難竭力挾援親屬值凶年家落田糧里役代輸代任以致傾貲廢產終無怨言亦無德色與人交恭而有禮夫婦相莊若賓待佃僕以寬厚稱貸必應有積負不能償者出券焚之生平無疾言遽色一加于人真寬然長者也於乎公之潛修其身可以磨世礪俗而不居其名公之嘿行其德足以濟人利物而不有其功蓋其渾然穆然任乎天真宜有餘慶以貽諸子孫者哉

族姪孫達頓首拜撰

皇清誥封奉政大夫翰林院侍講學士素持公傳

封君姓周氏名公謨字孚嘉號素持系出濂溪自宋光宗
時由武進徙無錫之景雲里代有名德祖淑邑庠生父懷
忠郡庠生歿祀鄉賢積學篤行並詳郡邑誌中君生而孝
友侍父母疾經年不弛帶奉命析箸獨取其產之瘠者先
後丁父母喪獨經營窆窆不煩兄弟贊襄宗族鄉黨翕然
交稱之尤勤學問幼負神童日嘗寒夜讀書從父家盜屢
以四鼓至聞君書聲輒駭散去弱冠入邑庠每試高等所
爲制舉業詣極精細雖老生宿儒皆退避謝弗及也顧性

復沉靜晚年益加深造宗主濂洛參貫宋明諸儒語錄粹然一出於正間亦旁覽釋氏家言終不溺於其說嘗謂道學務躬行心得精之爲天人性命之理顯卽在家庭日用之常舍孝弟忠信無實德非窮理盡性無實功故居恒砥志礪行踐履篤實見者肅然起敬而君則自處退然如不勝衣維時東林講院適在君同里學者席顧高諸先生之澤方應聲求氣相結納爲君子之朋而敦槃執耳實藉君爲之干城焉君四八棘試志仍不衰比子弘及宜振相繼

皇清登魏科歷清要宰大邑

恩綸屢沛始俯首受章服顧寒暑手一卷呶唔不輟仍如諸生
時未嘗以片紙干謁郡邑郡邑守令知君賢屢請爲鄉飲
賓君遜謝再四乃赴間與親串相過從布衣茫履循墻徒
步途人不知爲某封君也弘少年以進士鼎甲及第入國
史院論者謂其知遇特達可立致台輔君獨貽書誡之曰
富貴利達宜聽之時命璞玉後剖而愈貴積薪在上而先
焚小子識之毋冀速達以爲身名玷也以是弘自史官遷
望主遷中允講讀再遷庶子遷侍講學士皆循資歷級恪恭職
事未嘗欲速求躋進自通籍三十年來請告歸子舍者幾

半焉歲甲寅吳逆煽亂閩粵繼之弘時方在籍侍養君以
聖主方宵衣旰食非臣子偃息林泉時立促之赴

闕蓋君之立心垂訓稟凜於忠孝大義如此及宜振令錢塘

太平兩邑君所以誠之者一如誠弘時以故宜振所至有

清惠名君以弘貴累

封奉政大夫翰林院侍講學士年八十卒

論曰吾族之在梁溪者多醇儒先生三世篤學俱僅以諸

生老而學士兄弟竟相繼成進士先生亦獲拜

錫命如學士官詩書之報不於其身於其子孫豈不信哉先生

一門通顯顧訓子必以恬退謙謹孫曾男女凡三十餘人
締姻媾多貧交宿德不汲汲於高門新貴求聲利援藉卽
其生平大概可想見矣

康熙三十五年歲次丙子八月旣望太僕寺少卿加二級
前通政使司左右參議司經局洗馬掌局事兼翰林院修
撰提督浙江等處學政左春坊左贊善兼翰林院檢討丁
卯山東正主考明史纂修官

皇清一統志纂修官愚姪孫清原頓首拜撰

聖帝一錄志築劉官愚致新書風應首我與

與山... 止... 聖...

... 贊... 兼... 辭... 林... 劉... 情...

... 聖... 帝... 官... 愚... 致... 新... 書... 風... 應... 首... 我... 與...

... 聖... 帝... 官... 愚... 致... 新... 書... 風... 應... 首... 我... 與...

其主平大... 賦... 貝... 矣

... 聖... 帝... 官... 愚... 致... 新... 書... 風... 應... 首... 我... 與...

... 聖... 帝... 官... 愚... 致... 新... 書... 風... 應... 首... 我... 與...

天周母李太孺人傳以孫補良狀滑州各德也
往珩與今侍講周絨齋先生同舉禮部先生以甲第官中
祕而珩顧野處然數詣長安周旋久及珩備史員則以前
輩事先生習知其修職謹身敬勤而潔方舉朝推道德風
範望日崇起問進而請曰何能是則曰此予兩大人之教
予曰桑息焉懼隕越以貽吾親憂也聞者肅然斂容尋珩
過無錫之郊循古人登堂拜母之義且時時見其長老所
以稱說太先生太孺人所累行纂績始末甚具當太孺人
李以華闕來歸太先生素持公太先生用儒服恢恢不治

生計或摻藜藿而前太孺人甘愜無難色時亂民起斂租
八率見梗高貲家輒質產上輸太孺人則急出奩裝代之
親昵者止焉則曰此甌窶者猶吾家世物也脫棄不守而
婦乃被組曳縞瑱而流珠于于然行也得毋秦越視乎於
是卒賴其力且佐以作苦縮嗇卽太先生獨持二親喪葬
不名諸兄弟一錢及字孤嫺族無焦瘁憂矣侍講公弘進
賢公宜振之以次燹發也而侍講公且以名業寢嚮用矣
太孺人飭誠之不少舒時手緘侍講公大畧謂
天子左右臣啟沃當以經術見知當以名節苟不練達國體

或脂韋滑澤使當世以進易退難詆媿儒者不幾負國且
負吾兩老人心事哉侍講公敬受教問乞歸侍奉門庭間
然夜篝燈父子兄弟談詩書堂後機杼聲軋軋相應也然
太孺人有才識諳大畧嘗挈家避難松山舍主人姻富人
也以稠載至其舍兒將召他盜爲變太孺人謂得之爲舍
主人畫策張備比室賴以安而歲己亥海上烽起諸邑大
震人皆縋城去之鄉太先生度賊乘不備掠江介耳豈敢
深入獨不動太孺人則言賊不足慮賊殲餉必倍急此豈
以常稅辦能釋患乎已師旋雲集紳士家什九以負輸譴

罰而太先生家獨免人始嘆太孺人之區算爲難云其明
識應變類如此逮春秋漸高門戶亦寢盛然終却執綺奉
伊蒲供者三十八年居常里姻子婦所獻果餌饜餈筍榼
間封貯纍纍孫曾攀衣索啖與太先生羶然共笑以爲樂
及病且篤侍側者聞簾櫳間異香累日夜不散一夕呼侍
講公語以送死喪用之具在某所某所毋煩而父子卒卒
纖屑爲也侍講公慟欲絕則又好語之曰吾三子今日在
吾前者二數年前有女道士來告吾矣言訖遂卒嗟乎太
孺人之德之識與其淡泊甯謐動與道合蓋天性然耶故

其食報也厚而其所致感應也與常母亦殊有母如此其
有賢子以爲國禎以爲時望豈偶然哉嘗覽宋史陳文惠
公堯佐兄弟都貴顯而母教終嚴稍不逮則怒曰汝父訓
汝以忠孝輔國家豈一技自名耶君子謂馮夫人爲能善
教眉山蘇明允婦程鬻服御治饘飴以佐明允學教二子
軾轍汝讀書勿效兒曹以書自名而已喜軾讀東漢范滂
傳而心許之後二子皆忠直敢諫爭母教然也嗟乎母德
之於子大矣哉

浙汜年眷姪沈珩頓首拜撰

對面大...

文苑平大突...

轉而小...

...

...

...

...

...

...

東籬周隱君傳

周隱君諱麟瑞字賓苑家無錫之周涇明宏治間有月林翁諱
珍者著思艱錄自號識字農夫子孫處涇上緣涇雜樹桑竹榆
柳之屬久之鬱然如山林太湖諸峯隱見林表其地多隱居自
好之士君少治舉子業一再試不利棄去誦陶淵明詩采菊東
籬下悠然見南山遂號所居東籬云君生平不肯入城市尤不
喜見胥吏縣遣催租人至匿弗與見歲輸常先期他逋租者給
吏過其家君揜耳却走家人自旁舍出酒肉子之視其去大喜
終不覺其詐可媼戚過君止宿有利客貲者誣以盜詞連君幾

破家終無怨色。父沒有負債券百金。其人貧不能償。焚之。歲饑鄰請貸。傾困給之。不問其子母。或竊君屐屨。人物色之以告君。曰。某豈竊人者。告者慚而去。晨入書齋。一童卧未起。諸子蹙之。君曰。若職掃除。良苦。令少休。勿撓也。從弟不能自存。鬻所居室。君戚曰。吾累世共此。忍析處乎。立割膏腴。賙之。君鬻田富室。輒自減其值。曰。值貴必取盈。吾懼佃者之弗堪也。產坐是益。緇身不衣綺紈。口不嘗兼味。手不權竒贏。獨好讀書。寒暑不少輟。每歲除比舍。治酒食相喧。虺君手一編危坐。旦日肅衣冠。謁家廟。畢復手一編如故。君有至性。授室之夕。不忍卽私寢。曰。兒去誰

侍牀第者父笑遣之父喪哀毀骨立奉母益誠懇母八十餘卒
葬芙蓉山麓之寺莊去家四十里時大寒互舟膠不行徒步風
雪中哀痛感寒疾不愈尋卒君課諸子甚嚴嘗日處貧惟讀書
讀書則明理明理必安分蓋君所學如此君從弟文學子令與
予交文學善飲酒安翁古愚者蒔花涇旁兩人相見爲諧劇君
又手歛視終日冥默不出一語兩人相與目笑之君自若也文
學沒予弔之過涇上因問所爲東籬者環堵蕭然蓬藿交翳君
諸子扃戶讀書其中而君之沒久矣君之考曰孟立翁諱之勳
孟立考曰完蒙翁諱懷仁完蒙考曰曉江翁諱淑曉江考曰養

蒙翁諱後卽月林翁子也累世皆有學行載家乘及邑志君娶
華氏爲罔生女庠士贈宜春令秣陵公孫女端莊誠一淡泊辛
勤有偕隱風側室戴氏子五人長銘綱次銘維改名金書郡庠
生次銘經改名均邑庠生次銘典次銘常伯仲叔皆有文譽君
生於明崇禎丙寅二月初三日卒於今康熙甲子八月十八日
年五十有九葬芙蓉山麓寺庄父塋之昭穴文學子御坤道君
軼事而仲叔二子方屬予作家傳乃摭拾書之

論曰君之有取於淵明也宜哉淵明不肯束帶事鄉里兒君潔
直似之憫念人子薪水爲勞君長厚似之三旬九食饑驅拙詞

君堅忍又似之至於忘懷得喪陋巷晏如無懷葛天之風蓋庶
幾焉然淵明有責子詩而君諸子積學力行成其先志嗟夫世
之竭智計厚封殖役役不少休者以君視之何如也

通家弟陸楣頓首拜撰

...

...

...

...

...

賦寒風刺臘聽首拜隨

...

...

...

周節母華孺人傳
聖天節母姓華氏宜春合遜愚公女年十七歸文學子省周君
七年子省君卒其孤乘御君甫五歲子省君伯仲四人已
析產翁姑在堂節母朝夕問安晝哭泣未敢出聲抱其孤
請於伯仲曰禮婦人不預外事孤幼敢以所授產煩伯叔
經理之所以不告於舅姑者恐傷其心也未幾翁卒事姑
鄒唯謹姑性嚴於諸子婦有小過不少假節母事姑三十
八年姑常語人曰是知禮者每遇歲歉困甚嫁時衣飾已
佐償遜愚公宜春之逋而伯仲家亦中落節母殫力支持

歲時伏臘禮無所缺蓋出諸紡績者居多迨乘御君壯能
自樹立稍得奉養而節母邁羸疾臥不時起矣卒年六十
有六距子省君之歿四十四年督學韓城張公題其門曰
冰霜節操雍正辛亥乘御君卒子典求象求定求於今故

皇上御極之三年上節母狀於三院蒙

恩旌表

賜帑建坊設位於九龍山麓貞節祠春秋祭享嗚呼中外人口
聖天子以孝治天下使天下之子若孫得以各愜其願而秉禮
守節者俱發其幽光豈不盛哉淞節母之孫壻也既篆題

其坊曰旌節之坊又傳其事載之周氏家乘時乾隆四年
夏五月也

孫壻華淞百拜撰

穀賦

夏正凡曲

其由曰鞠論之故及將其事跡之限用家乘都

靜齋先生傳 卒而來 蘇 葬 在 是 主 靈 於 人
 吾鄉先達素以清德著聞者莫如吾靜齋先生自康熙丁
 巳登賢書壬戌成進士庚午除授錢塘令辛未調太平居
 官惟潔已愛民四字守而弗失乙亥丁父憂去官服除不
 復出凡家居二十七年今辛丑冬十月丁酉以天年終
 壽八十有二易簀前數日命中子金蘭勿具事狀勿乞碑
 銘誄辭一切諛墓之文掩其真面目乃以自撰生壙志授
 之示其冢孫永羲永羲詔壻也以詔自少受學於先生知
 先生最深因屬詔爲傳先生諱宜振字子詵號靜齋姓周

氏系出濂溪後宋光宗朝解元四一公由毘陵徙居無錫越十一傳至力田公積善起家自是而月林公而養蒙公而曉江公而完一公世有隱德至日一公自撰述一公誥封奉政大夫翰林院侍講學士素持公績學厲行爲鄉祭酒生子四先生居次先生天性粹然敦本崇實與兄學士緘齋公叔弟太學毅齋公怡怡聚順一堂事封公至孝封公嘗語人曰吾家所不愧者有四父子兄弟兄弟方封公介八十觴先生所治錢塘太平三縣暨旁郡縣士民不下數百人相率而來羅拜階下見者皆云先生德化感人

榮親已極是冬封公謝世先生卒以不能奉湯藥視含殮
爲生平疚心季弟式庵封公鍾愛也撫而教之以至成立
與詔辛卯同舉京兆先生貽詔書曰吾自此庶慰先大夫
地下矣式庵年甫及壯忽於今秋七月病卒先是夏四月
秦孺人卒又去冬十一月長子金華卒一歲之間骨肉摧
殘傷心暮景於是先生遂無意於人世其一生簡嘿善自
退藏然當官而行具見經緯雖處通都劇邑與夫瀕海荒
甌號稱難治而所至輒有善政浙中人至今思之所爲文
高華而研鍊學者羣奉爲科律間亦作詩直逼唐人風調

卒未始出以示人家居以後足不履公處從無絲毫有于
當事卽同年故交居顯要亦落落然幾於不通往來終年
坐臥丈室中泊然寡營屏絕諸好唯手菘蘭菊數本以之
養性怡神昔人有言宦情太濃則歸時過不得生趣太濃
則死時過不得先生殆無所不澹故洒脫自如至臨終處
分家事訓誡子孫諳諄無異平日且親自檢閱歷書定葬
期日十二月甲子永羲與叔金蘭凜遵之其於大夫三月
而葬之禮不敢復泥云

贊曰南軒張氏謂濂溪周子所養內充雖不得大施於時

而蒞官所至如春風和氣隨時發見黃山谷謂其洒落如
光風霽月子朱子云謂周子洒落者只是一箇不疑要其
功皆原於主靜先生生平雅不以道學名而天君泰然始
終確有定力蓋皆由靜中得之顏其齋曰靜齋而因以自
號豈虛也哉

賜進士出身
敕授文林郎翰林院庶吉士加一級前

召試一等奉

命分纂

御選歷代詩餘

欽定詞譜

皇輿全覽議敘中書加一等卽用

內廷供奉姻門生杜詔頓首拜撰

詩無言志也蓋書山川中界之類其體曰鍾靈曲曰以良
也昔風物主精然亦至平無水以能以各而天其泰然
道其養日千米千江臨風一西落清只是一箇不誤要其
而蓋官風至取皆風味餘剛甜養良黃山谷備其酸落

毅齋周先生傳

錫邑有篤行君子曰毅齋周先生先生諱宜繩字子裕毅齋其號也由貢生授州同知先世裔出濂溪宋光宗朝四一公諱應解元登進士自毘陵遷居錫邑累傳爲養蒙公後曉江公惟新完一公懷忠世有隱德詳郡邑志中完一公中子素持公諱公謨封大夫舉鄉飲祀賢祠先生父也先生生而穎異讀書數行俱下而至性過人童年素持公偶加譙責先生俯首聽受未嘗有忤容或竊問之泣然曰人子至不肖煩大人怒敢忤乎晨昏奉養纖悉周至一切酒醴芻蕘滌澹之屬必躬進之俟嘗而始

退素持公曰家有僮婢何必爾嗣後每食必問代進者知既食乃喜以爲常母李太宜人有疾時先生方患痔劇甚而每夜籲天祈以身代秋風零雨泥首階庭人無知者先生同懷兄學士緘齋公進士靜齋公俱以宦蹟顯而庶弟宜穀素持公沒時纔八齡易簀前舉以囑先生先生泣受命延師課讀俾弟專心肄業而堵挂門戶檢校生產獨以身肩之每歲錢穀出納之數皆登之籍弟婚如籍以歸則田畝式廊倍加于昔矣後弟登賢書先生聞報色喜曰吾雖歷試棘闈得而復失而今及見諸吾弟庶可慰先大夫於地下也兩兄歸田晨昏過從雍睦一堂終身

畧無間言與朋友交坦然樂易不設城府然必恭必敬無慢容
媿語邑有賑卹捐貲率先歷數十年鄉黨津津樂道戴之曰長
者嘗誡子孫云庶民君

義惟慈穩稭力役之常分宜早莫

宜遲祖訓毋忘也其至性純備如此生平學問淵邃所著有先
儒言行錄文獻折衷數卷儀封張清恪常稱其盡力孝友二字
打破誠意一關殆見一斑云余嘗觀近世士大夫稍席豐厚莫
不衒裘馬矜聲氣以耀於閭里卽自遠於俗亦不過風流相賞
賦詩贈答已耳若夫人倫之地天親之愛其殘刻或至有不忍
言先生則自兩兄通籍後讀書砥節深自斂抑循循修門內權

惟謹敦仁而不自徇於名好義而不自遺於力古所謂篤行君子者非與

論曰余幼時猶及聞先生父素持公言曰吾家所不愧者有四
父父子子兄兄弟弟誠哉非虛語也可謂得其本矣子輿氏曰
人人親其親長其長而天下平誠得其本也則使如先生者出
而臨民其必有不介而孚者惜乎其不及見用於世也
賜進士及第光祿大夫

內庭供奉

經筵日講官禮部尙書教習咸安宮大總裁吏部左右侍郎內

閣學士兼禮部侍郎己酉科浙江大主考教習庚戌科庶
吉士充

大清會典八旗志書總裁官庚戌科大總裁壬子科順天大
主考刑部侍郎癸卯會試同考官兵部右侍郎

欽命出使安南詹事府少詹事四川提督學政左春坊左庶子
翰林院編修年家眷世姪任蘭枝拜撰

疎丹請歸謝中察春興銀丑滿殊釋

命出勞苦... 應小會中... 出... 盤... 鍾... 主... 春... 式... 魚... 子...

主... 誠... 意... 其... 發... 如... 實... 指... 屈... 官... 司... 官... 司... 官...

夫... 古... 自... 其... 志... 志... 行... 以... 其... 大... 德... 是... 其... 主... 極... 而... 大... 夫...

書... 文...

國... 學... 士... 進... 士... 第... 第... 科... 科... 和... 和... 行... 行... 酒... 酒... 再... 再... 滿... 滿... 出... 出... 大... 大... 主... 主... 善... 善... 辨... 辨... 賢... 賢... 東... 東... 對... 對... 下... 下... 漁...

四叔祖父式菴公傳不無動波曰各楚自志樂其外分
四叔祖父式菴公名宜穀字子似式菴其號也叔祖生時曾大
父年七十三矣生七年而曾大父病卒遺命囑先大父緞齋公
暨大伯祖緘齋公盡心撫育教誨於是先大父代爲經理家務
大伯祖則以延師課業爲職是時曾大父置新第於沙巷爲叔
祖投宅而庶曾祖母徐孺人勤儉操家所以訓督叔祖者頗合
大體叔祖亦能祇順恭事諸兄是以數年間業日擴財日積肅
肅離離畧無間言叔祖質性清朗出就外傅師授句讀一遍卽
能成誦十歲而經書盡熟更師爲舉子業搦管揮毫卽嶄然見

頭角緘齋公喜曰孺子可教矣十七歲叔祖補無錫縣學博士
弟子是年娶叔祖母倪孺人先大父邀集兩伯祖及子姪曰昔
受遺命撫育教誨今弟幸已遊庠畢娶吾可卸却擔子矣卽算
明歷年租稅所入明白交代又誠以守成爲要而叔祖謹慎聽
受不敢浪費以故能保守無墜式廓先業康熙辛卯叔祖加鄉
貢應試北闈登賢書時年二十四先大父喜之甚曰今可無負
遺命矣壬辰會試不第癸巳復上公車不第乃考授內閣中書
職銜以歸叔祖閒居好臨摹古法書以二王天水爲宗精熟時
藝著有房稿行世讀書之外無他好曰名教自多樂地役役於

利祿奚爲耶尤喜講求經濟嘗編時務十條上本縣章公章公
悉爲允行內保甲一條尤爲切要是時邑中多豪猾被害者側
目無奈叔祖素性嫉惡首之官殲其巨魁閭里皆安堵無恐迄
今數十年邑人尙稱快弗輟也叔祖於諸子姪行於予爲尤契
暇則買小舟遊山泛湖必邀與偕及後疾篤余往問疾尙執余
手欲有所言而未能也悲夫卒時康熙六十年七月初十日年
三十有四子四人長金甌國學生次金昆早卒次金奏次金芝
孫永泰永咸永豫永瑞曾孫維治
姪孫永棠曰叔祖長於余者三歲幼卽岐嶷不好弄隨諸大

父後屹然如成人及長識見明朗精通翰墨而又不畏強禦
爲吾邑倚重者垂十餘年倘使天假之年其經濟文章豈易
量哉惜乎享年不永其樹立僅止於斯也後之有志者尙亦
善承先業靜以俟天庥之至而可哉

姪孫永棠百拜撰

蕉菴周伯子傳

吾邑在有明承平時多敦本好修之士東林諸君子樂紀述之如安我素先生所撰養蒙周翁墓表稱其友愛仁讓存古人之風後百餘年而予獲交伯子蕉菴嘆先民遺軌猶未泯絕於鄉黨間惜未有推許而傳道之者也遂因其子之請不揣而爲之傳伯子姓周氏諱廷尹字子任晚自號蕉菴養蒙翁諱後之元孫曾祖曉江翁諱淑祖完真翁諱懷良父調仲翁諱熙鼎配唐孺人實生伯子側室賈氏生仲子延俊仲子生兩歲父疾革命授田九十畝而割四十畝爲嫡母膳伯子辭曰膳母在兒請併

授之又益以已田十畝曰弟他日費煩恐困不給也析居請受偏庫者曰弟未授室兒甯別構也父大喜垂沒數數言兒事我孝願汝子孫皆如汝孝仲子稍長延師婚娶及生母喪葬一切公私費悉仰給伯子田租所入歲歲增羨比有室歸之視所授贏一倍焉仲子幼多病不肯餌藥勸諭百方至出錢物誘之嘗瀕危日夕調護不寢者彌月瘡乃卽安仲子不善治生別居後產大削尋病不起伯子痛之甚爲之棺殮營葬人謂伯子之友愛有始終矣甥女失恃者撫而嫁之如已女撫從弟及從子之早孤者教養婚娶經紀其生事巨細擘畫委曲周盡雖令自爲

謀有不能及其爲親推愛多此類佃民輸租自水旱額蠲外偵其家有葬喪疾疫婚嫁諸事復量減有差佃民感悅有泣下者族人佃君田租歲不入其母年六十伯子遣人負米爲壽母呼其子詈曰若得爲人耶其子負租如故終置不校也少清羸醫以爲瘵中歲乃更精強堪忍勞勩踰七十不衰嘗隆冬覆舟溺水不死初育子數不舉三十九始舉子與欽後連舉四子及見孫男九人曾孫男一人人以爲盛德所致伯子受產故薄勉自節縮籌量有方業稍稍裕而自奉涼薄惟所居務整飭自故居徙城東闢地營小築曲房修廊園池卉石手自營置客至則招

邀厯觀第不喜華譙清談欵洽而已所親有官武林者伯子游
西湖無所干請曰湖山吾主人自祖考以上皆潛德不仕及伯
子之世諸父羣從相繼以科名顯伯子十八爲諸生三十外卽
謝病不預省試平生於聲勢泊如也晚歲子女婚嫁畢囊篋蕭
然未嘗有憂色嘗議建始遷祖祠不果臨沒以爲憾先是養蒙
翁早孤有弟五齡厚撫之後弟中讒數侮翁翁待之益厚又割
產以畀姊之寡居者卒成其節至伯子篤行有根抵蓋不媿養

蒙翁後云

論曰吾聞高忠憲公有言人謂祖宗積德故發其子孫於科目

不知祖宗積德故不生不善人夫所謂不善人者謂馮籍家世
齟齬宗黨與厚自封殖蔑視同氣里俗之所習而安焉者也如
伯子可謂能負荷矣華鳳超先生志完真翁墓深嘆今之世教
衰倫敦而其銘曰濟美周公惇穆古處仁罔遺親質靡軼矩吾
於伯子亦云

眷弟陸楣頓首拜撰

...

...

...

...

...

...

...

...

...

...

出風潘孺人傳又四半續合香華流人賦其賢道委以宗如麻

先嫂潘孺人庠彥節甫公之女而吾伯父庠彥宏叔公之子婦
從兄庠彥子令公元配其母則吾之姑也節甫公早世無子止
一女卽孺人吾姑孀居苦節撫孺人泣曰熒熒母女何以自存
然吾以汝故不卽從汝父於地下將以成汝父之志也汝父嘗
抱汝而告我曰是必歸於周周氏敦行醕茂世有隱德可以新
姻繼舊好遂以汝許字吾從弟之子吾待汝長而嫁庶使汝父
無憾矣時孺人未十齡數隨吾姑來依先大母以居吾每從家
塾退則與孺人侍先大母暨吾父母前梨栗餅餌相推讓同體

一視不知其爲中表也孺人自幼端淑不苟言笑先大母愛憐之嘗訓曰汝他日當爲吾家婦吾家無靡麗晏安之習自吾始爲婦以至於今親并曰勤織紉堂上甘旨必腆歲時賓祭必敬汝母之適潘也視吾所爲罔不遵汝他日亦若是則善矣噫先大母所以訓孺人者吾幼時侍側聞之迄今追憶音容如昨也歲己丑孺人年十四吾伯母華孺人憫其失怙攜以歸并迎吾姑同居於是華孺人亦孀居五載矣孺人以未笄之年侍孀姑侍孀母愉愉怡怡不惟得兩母歡又能使兩母相得甚歡其欸曲周至可知矣又四年始合卺華孺人知其賢卽委以家政親

井曰勤織紉悉如先大母訓也太姑方孺人春秋高飲食務精細孺人察其取舍而損益之太姑喜姑亦喜數稱新婦賢是甘旨之供悉如先大母訓也時祭必親滌器親朋至酒漿肴核悉手辦吾從兄有女兒在室孺人與同習女紅恂恂讓善既嫁而歲周其乏既歿而兩撫其孤微特胸無畦迳蓋曲體其堂上人

之隱而亦莫非善承先大母訓也乙未始舉子吾從兄亦以是冬補博士弟子員孺人屢年篝燈佐讀之力於是小効又久之而移其佐讀者課子嚴慈並濟其治家得大要類如此從兄家本中人產賴孺人拮据積累稍稍不貽瓶罍羞乃遭兵燹一洗

殆盡孺人心力於是大傷乙巳冬一病不起丙午春卒年僅三十有一而哭之者孀姑也孀母也嗚呼悲夫子三鈞鑄鏗鈞爲孺人出孺人卒之十有七年癸亥諸子奉父命葬於大池先塋之昭蓋從華孺人之喪以耐而白髮之母且臨穴慟哭也悲夫吾自去秋先妣見背方抱無窮之哀鈞來請傳其母其悲與吾同又感吾姑哭女之痛不能不爲之志也是以傳其事而論之論曰婦德貴柔柔若無用然以不用爲用用之善者也孺人歷人世難處之境卒以宜爾室家柔之道得也第其積豐報嗇盱衡時數者不能不扼腕然無成有終婦道固爾孺人相夫而夫

有聞課子而子克立稱有終矣復奚憾若吾姑之苦節至今尙
健無恙而孺人以女兼子之志事弗終此則孺人之恫心泉下
者而予亦無能代寫之嗚呼其可悲也夫嗚呼其可傳也夫

在制叔氏弘拜撰

...

...

...

...

...

...

...

...

...

...

大音公傳甲子年開辦會館霽雨申寒齊誠了正文春素
君諱金聲字大音姓周氏侍講學士緘齋公長子無錫人也先
世居景雲鄉之宅基君祖素持公始遷城居焉素持公長先君
子一歲而余與學士公同庚君又與余長子道然齒相若稱文
字交蓋交於周氏今四世矣自余與學士公官京師長子道
然與君爲文會會不過十餘人皆一時譽髦余子嘗言生平欲
學君文章或可能而性度則不可及君笑不至矧怒不至詈恂
恂謙謹行坐如不勝衣其在家門無雜賓一室中擁書自娛口
不絕吟手不停批關門之內鳥啼花開闐如也口不詢外事耳

不聞外言足不出外庭惟會文之期則風雨必至文月三會君於其間獨沉思速構寬然有餘未嘗以他事闕一義一日於友家會文路稍遠夜雨驟注衢巷盈溢不可行太夫人命肩輿迎君君以會中約弗敢乘卒跋履泥淖以去以是知君之能刻苦勤學不以貴介自處也學使者蒞止君試輒冠軍吾郡試每先於他郡其時覘風氣規好尚者得君文咸家絃戶誦心摹手追君絕不以自多也趙閩仙督學江南嘗語其屬曰吾校士於常得周生意謂必貧寒苦志之士不知乃學士公子也能潛心先輩大家乃爾乎甲子秋闈號舍遇霽雨中寒疾歸乙丑之春素

持公稱七袞觴君侍左右承色笑趨踰奔走肅賓於門不敢自
言疾疾大作纔四日而亡則康熙二十四年二月十七日也得
年僅二十有七悲夫以君世家子弟少卽蜚聲於時其德行文
章老成人有所弗及而不永年齋志以沒何天奪之速耶君配
胡孺人與余子道然之繼室兄弟也其爲婦爲母辛勤恭儉慈
祥豈弟詳顧中翰梁汾先生誌中子永祺永禧皆有文名永祺
先以己卯膺鄉薦

贊曰余嘗敘學士公年譜觀其作君壙志抑何哀也西河之痛
古今賢人君子殆同戚耶然言君童穉時知識如成人能依依

繼母前得其權補博士弟子員授室承家又能從兩叔父後事
祖父母盡甘旨承歡朝夕性何摯也夫人有子而能代吾以事
父母而無祿早世能不哀耶迨讀顧中翰梁汾誌君配胡孺人
墓石稱其事太翁太姑與舅姑婉曲承順退處簾閣不聞一笑
語聲而綜理家政則儻籩豆以供文會節衣食以廣租入煩苦
所弗辭也君得專心致志於讀書以是哉夫以君處其慶之時
一門鼎盛而少年雅飭恂恂孝謹不啻萬石家風詩曰刑于寡
妻至于兄弟君有之矣雖年不副德當世惜之而有子善述思
貽父母令名則天之報施善人已有徵矣

賜進士第奉直大夫傳

日講官起居注左春坊左諭德兼翰林院修撰年家眷侍生

秦松齡頓首拜撰

...

編母高得其雅誦博士弟子員授室承家又能從兩叔父後事

一夫謂之曰其家幾於少替何不以夫夫自子而

又其曰其家幾於少替何不以夫夫自子而

其家幾於少替何不以夫夫自子而

其家幾於少替何不以夫夫自子而

其家幾於少替何不以夫夫自子而

其家幾於少替何不以夫夫自子而

其家幾於少替何不以夫夫自子而

其家幾於少替何不以夫夫自子而

其家幾於少替何不以夫夫自子而

六叔父蒸巖公傳

叔父蒸巖公諱金簡字大酉蒸巖其號也大伯祖父緘齋公有丈夫子四人長大音公次大東公大東公出繼二伯祖父靜齋公後次大春公而叔其季也叔幼而慧七歲出就外傅穎悟異常兒十歲師令試爲時文靈思慧句出人意料表師大驚異年十三補博士弟子是時緘齋公以學士告歸庭訓嚴肅叔與五叔父大春公暨陽巖懷蓼兩兄師事陸先生海滂共肄業一堂朝夕定省必呈一日所業之課緘齋公爲指其得失叔承提命會心獨捷以故緘齋公

於叔所爲文多嘉許焉康熙己卯應試南闈陽嚙兄報捷叔益自勵誦讀每至丙夜嘗病後讀書至更餘腰痛甚令童按摩患處而篝燈雜誦不爲少輟壬午亦登鄉薦叔有至性事緘齋公暨母過太宜人先意承志言動應對無幾微違乙酉三月緘齋公病亟時大音公已前歿叔與大春公奉侍湯藥衣不解帶者累月而緘齋公竟不起叔擗踴號慟哀感左右又恐過太宜人哭泣有傷囑嬪氏曲爲防護喪事既畢三年讀禮優乎有餘慕焉叔與慎齋鄒師交最密每一藝成輒相商推一日侵晨過館中師怪其早問

何事曰昨日文中所摘幾處夜思其故至曉未得故急來
請教耳師爲具言叔躍然喜曰非明眼不能見及也叔之
虛懷篤學大都如此壬辰會試捷南宮

殿試中二甲選授翰林院庶吉士先是緘齋公以國書名館
中至是叔復分習清書清書字畫錯綜翻譯微妙非久習
不能通其奧時

聖祖仁皇帝以癸巳六十萬壽

詔開

恩科以故散館期迫叔夙夜精研一年而盡通其義時掌教

習者爲武林西崖湯公見叔字畫無訛譯義淵深嘆曰奇
才也屆期散館

聖 御試優等授翰林院編修復以

覃恩敕授儒林郎父母皆加

晉封時編檢之在院者多閒散叔以過太宜人年已望七不
勝陟屺之思喟然嘆曰昔先大夫以先大父年逾古稀遂
請假旋里羞甘旨以佐孝養家法具在我獨非人子乎而
敢昧此義耶遂乞假歸省歸甫彌月

聖祖怒告歸者過多降嚴

辭賦外思其姑至劇未得姑意

旨令一切休致叔曰移孝作忠聖賢之訓也在家奉母與在朝事君甯有異乎遂於旁闢地數弓編栽花木顏其堂曰南陔時昇輦輿迎太宜人遊憇花間子婦隨行曾元繞膝太宜人顧而樂之時爲解頤間遇佳晨令節則集年家世好如杜雲川秦陶菴輩清談小酌興至則分題吟咏此唱彼和陶然自適是以投閒數年曾不以落寞芥蒂於胸臆間也

世宗憲皇帝登極自冊置太宜人海內又以恭親王回國時恩詔起復在籍詞臣而叔以過太宜人春秋愈高不敢遠離

遲至秋八月太宜人忽患四肢不仁叔遂絕意仕進殫心
醫藥者三年有餘迨太宜人病歿又以悲傷過切舊疾復
作不得入都綿延至壬子疾益甚十一月二十六日卒於
家年五十有八所著有藝香小圃詩文集若干卷配滕安
人繼配楊安人子二永禎永禕
姪永棠曰士有負才名終身不得一遇其坎壈抑鬱也固
宜叔旣以文章獲世知掇科第陟清華內外方翕然稱羨
而顧一跌不振復益之以痼疾遂使坎壈抑鬱以終身者
何哉是豈時爲之耶倘亦有命而不可強耶太史公謂夫

子罕言命蓋難言之也吾於叔而信其言之爲然也悲夫

千軍有命蓋難言之也吾策昧而前其言之盡然也悲夫

母舅握蘭公傳復業錄世顯少典當以辭不取官中一錢
舅氏握蘭先生以疾卒於新甯之官舍錫山顧司業復初
既銘其壙諸孤復以傳囑余余惟誌銘之體記其生卒年
月而已傳則傳其生平大節務令整齊使可觀法於後所
繫尤大固辭不獲迺据狀及生平所聞見書之母舅姓周
氏諱金紳字大階握蘭其別號世家金匱爲著姓外叔祖
諱宜繩第二子外祖諱弘康熙甲辰進士第三子官至侍
講學士其世父也舅生而端重自幼不逐羣兒嬉戲外祖
器重之稍長克自淬厲攻制藝及他詩文率至夜分尤有

金川縣志卷之三十一 人物志 十一
至性年十七喪父毅齋公時已擇吉成婚有期或勸從俗
例舅號哭曰此豈人子謀婚媾時耶卒免喪而後娶長兄
級菴公嘗貸銀一千兩力弗給舅治酒還其券兄償以玉
屏山葬地一區舅以瘞生母吳太孺人卽今耐葬地也雍
正乙卯登京兆賢書第二名乾隆己未成進士庚午謁選
授河南輝縣知縣引見奉 旨 命 授 外 郎 卅 餘 年
旨特調四川達州知新寧縣事新寧遠在五千里外舅家席素
封家有名園三月桃花盛開集親朋置酒爲樂多尼其行
顧舅慷慨欲樹功業於世期少得當以報

朝廷遂謝絕家累僅攜長君及僮僕五人誓不取官中一錢以辛未三月之任時新邑方大旱舅步行虔禱頃刻大雨如注民呼曰隨車雨邑有武生某向魚肉人舅訪知其不法事集教官於公堂責懲之士子不寒而慄鹽總某餽白銀四百金欲專鹽利舅立召其人叱還之曰汝以專利故欲來污我我不過飲新邑一杯水耳商惶懼而退民大悅服生員某娶一再醮婦昏五日而婦逸舅提奸夫及婦至痛懲之大聲論曰汝爲生員而娶此等婦尙何顏面立世間其夫叩頭願離異舅勒令前夫子領去而追還其財禮

舅在稠人中寡言笑居恒訥訥如不出諸口及爲吏剖斷如流兩造率於堂下裁決不需時上官才之攝州事三月鄰邑有積獄悉令審理神氣亦由此漸耗舅爲治以人心風俗爲先恥言擊斷謂此一俗吏所爲耳邑有宕渠書院久廢舅集士子肄業其中勗以聖賢之學懇懇以立志爲本讀書爲要小學近思錄及資治通鑑體用兼備爲士子一日不可缺者新邑士子由此大變葺學宮修邑志俱刻石爲文以紀頌聲填溢閭巷大吏方許連章特薦而舅以勞悴卒矣士民間之奔走號呼如喪父母旦夕焚香哭臨

兩孤遠試 京師迎柩未至士民已具呈於州籲請大
憲題崇祀名宦先爲木主供奉岩渠畫院製文立碑植立
署前柩出土民道柩過碑下曰令知我等不忘使君嗚呼
舅之得於民如此其設施可知矣余惟母舅一生孝友施
於家慈惠行於民卓乎不愧儒者爰次其事爲傳

論曰昔子游以絃歌教武城爲述其所聞於夫子曰君
子學道則愛人小人學道則易使誠哉是言今距春秋
已二千年又係荒徼之地舅爲政僅踰兩載而士民感
化若此以此知人心之同然而人苟設誠以致用未有

不孚信於民者也士子讀書一行作吏循簿書期會之
未視服官如傳舍動云今日不可以古治治其爲曠職
孰甚余因爲母舅作傳而重爲俗吏三太息也

賜進士及第 內廷供奉

誥授光祿大夫吏部右侍郎加一級提督浙江學政前刑部右

侍郎提督浙江學政內閣學士兼禮部侍郎都察院左副

都御史通政使司通政使都察院左僉都御史通政使司

右通政

日講官起居注翰林院侍讀學士右春坊右庶子掌坊事翰林

院侍讀翰林院侍講左春坊左中允翰林院修撰歷充己酉科河南鄉試副主考壬子科雲南鄉試正主考癸丑科會試同考官乙卯科江西鄉試正主考順天武鄉試副主考丙辰科山東鄉試副主考戊午科順天鄉試同考官辛酉科江西鄉試副主考乙丑科文武殿試讀卷官辛未科會試迴避閱卷總裁官殿試讀卷官愚甥彭啟豐頓首拜撰

此

其為正官出會與燕育與精精卷官忠豐遠輝豐神首我

百拜其與職精山重才了正拜交版與精前卷官辛未拜

其與職精山重才了正拜交版與精前卷官辛未拜

其與職精山重才了正拜交版與精前卷官辛未拜

其與職精山重才了正拜交版與精前卷官辛未拜

其與職精山重才了正拜交版與精前卷官辛未拜

早勸太學芝巖周君傳
周君芝巖嘗謂人曰使黃金投吾左白刃襲吾右一失聲變色
非丈夫矣余聞其言而壯之初識君湖上爲人英爽與客談辯
鏗然貫耳氣軒軒出鼻吻間聞語涉詭僻輒面折雖尊屬不少
回互其生後余僅六年常執後進禮余逡巡辭避獨喜君言論
異流俗頃余屏跡山中不相見久之而君竟死矣其子濬哲以
余知君故來謁山中伏地嗚咽曰惟先生可以不死吾父昔人
謂濂藺千載有生氣曹蜍李志奄奄如泉下人嗚呼若君者可
以不死矣乃按所述行畧爲傳以繫其宗譜使後有考焉君諱

鈞字御坤別號芝巖姓周氏世系見圖譜曾祖考完眞公諱懷
良祖考宏叔公諱化光考子令公諱廷旦俱諸生有行誼妣潘
孺人君生七歲劫盜至猝被執了無怖容第呼曰勿驚吾父母
盜異而釋之稍長坐書齋有物排闥入喙翼爪距類俗所繪青
神者遽起逐之倏然滅君讀書觀大畧舉古偉人自期待其視
擁厚賞登臚仕赫弈州里間者意蔑如也父以公事忤權使檄
縣加以法君偕里人詣上官訟父寃竟得直方事棘諸有力者
惴惴爲君股栗君奮不顧至是莫不嘆君強立可倚仗焉歲大
旱溝渠並涸農集運河戽水者日千計推君爲督往來烈日中

夕露宿於外又出私財給木椿資饁餉有富人恃其衆夜盜決水君怒命斷其桔槔其人服君至公迄無怨言有欲以私干者叱去之里人忿爭多詣君剖曲直片言解之皆悅伏以去終君之世無投牒縣庭者或媒孽短長思齟齬人聞君言卽搖手曰有正人在其見嚴憚如此君少有至性潘孺人卒時年十二踰年父娶繼室華君潛伏孺人喪次泣不起父命之拜乃出拜已而事繼母如事所生終身無幾微間繼母生仲弟父中分其產及季弟長父不及改命而歿君悉舉其產均之爲三兩弟延師婚娶一切公私費獨身肩之父將歿撫仲季曰吾晚得優游卒

歲乃兄力也兄在孺子不孤矣先世塋墓葺治垣墉培植松檟不以世遠稍替祭祀儀品本文公家禮酌以時宜待嫺戚有恩意外大母寡而貧迎養終老歿爲之置後經紀其喪歲往祭於墓持家內外斬然就條理至於米鹽瑣細絕不置齒牙暇則展一編靜對啜茗灌花而已生平不茹葷血不飲酒及疾或以釋道祈禳之說進笑却之人服其有識君既不獲仕進猶欲修明禮教齊壹宗族爲鄉閭表帥自顧力微事勢多齟齬竟不酬其志悒悒致脾疾卒年五十有七遺命誠諸子大書見利思義四字揭座隅曰吾見讀書人大都背此一句也蓋有所感云醜華

氏子四人濬哲湛恩洪學涓英俱業儒孫三人可權作楫朝樞
論曰語有之山有猛獸藜藿不採故汲黯在朝淮南寢謀君正
直近之惜無所見於世雖然士無窮達顧自樹立何如孔子亟
稱志士仁人嗚呼仁人吾不得而見之矣得見志士斯可矣如
君可不謂有志之士乎哉

眷弟陸楣頓首拜撰

吾可不歸育志之士乎哉

符策 遺蹟 勳首 拜 謝

蘇志士 人謂平 人吾不 辨而見 玄突 高景志 士 漁 可 突 出
直 波 之 昔 漁 河 具 氣 州 淵 然 士 無 讓 激 靡 自 懋 立 河 賦 其 子 夢
歸 曰 歸 奇 之 山 奇 益 耀 蓂 蓂 不 絀 結 地 離 在 傳 並 南 靈 嶺 怪 且
刃 于 國 人 審 得 蘇 恩 與 學 爵 英 身 業 謝 疑 三 人 可 辨 亦 辨 博 辨

官周訥菴先生傳

佳訥菴先生者姓周氏諱秉禮字其相晚號訥菴世爲無錫
佳人其先自南宋以來代以孝友聞至先生而培養益厚先
生九歲失怙能讀書卒又不屑屑役志於功名以詩酒自
豪每登山臨水必與二三知己上下古今泉涌屑霏一座
爲之傾倒其瓊尾齷齪者勿能與近也生平不善治家夫
產聞人權子母什一利輒掩耳而去或緩急告則又往往
傾囊與之有顧僕者乾没人賦錢積年累金至數百事發
官治急僕度無可告者惟先生其活之亟書賣宅券詣先

生哀乞爲輸官金先生曰諾還汝券汝妻拏其露處耶僕
捧金叩頭去得不治他慷慨好義多類此天性孝友事母
太夫人兄元起備純摯宗族鄉黨到今稱之配秦氏能持
家政助先生孝義不以先生所苦苦先生乾隆二十六年

恭遇

登山瀾水必興二三賦曰士千古令是爾爾一

覃恩先生以孫際清貴貤封奉直大夫年七十有五卒秦夫人
封宜人後先生二年卒子五人宗澳以子貴

封奉直大夫宗淹宗澧宗淮宗湘孫八人際清甲戌進士今
官刑部郎中際乾際時際韶際旭際虞際辰際飛曾孫五人

星清琦璉璟玠璐俱以詩書克紹世業

論曰余與先生同鄉里齒相若其從弟握蘭爲余同年友
孫際清又余之外甥婿於先生之行蓋耳熟焉而莫之枚
舉也嗚呼其諸質直而好義君子人與

賜進士出身

誥授光祿大夫

經筵講官太子少傅禮部尙書都察院左都御史歷任禮刑工
三部右侍郎內閣學士兼禮部侍郎充戊辰科

殿試讀卷官順天全省學政兼甄將科順天鄉試正主考庚辰科會試副總裁
上書房總師傅己卯科順天鄉試正主考庚辰科會試副總裁
請外武會試正總裁武

殿試讀卷官都察院左副都御史通政使司通政司左僉都御

史士充良

日講官起居注官翰林院侍讀右春坊右中允翰林院編修翰
林院庶吉士前內閣中書舍人年家姻眷弟張泰開拜撰

備曰余與武士同鄉里而皆其益年熟蘭繼余則少矣

擬擬擬他擬以擬書京臨川業

皇清誥贈中憲大夫懷蓼公傳 奉 賜 神 其 具 公 赴 外 傳 所 思 畏
嗚呼德行道藝與古爲徒有如吾鄉懷蓼先生者哉先生
失怙甫七齡哭泣擗踊動若成人出就外傳素稟恹怯弗
任口耳而經書過目不忘緘齋公拈史冊偶一訛詬輒通
曉其義因顧羣從指異久之胡太恭人性嚴肅黎明趣之
赴學雖羸弱不少假自是仰體苦衷年日益心日以戚悽
愴悲懷時以大音公賚志早逝爲慟而寢門侍膳見太恭
人霽顏怡怡以退一有憂色輒撫膺飲泣跼蹐終日夜遇
痰喘症劇侍湯藥累月衣不解帶先生少多病日食一溢

米且瀕於危者數數而病中知太恭人欠安蹶然起頭涔涔乃止太恭人事舅姑如事父母而推恩戚黨無遠近曲有情文嘗詢及某某近若何而先生之周卹者已預矣康熙丙戌冬無疾終先生創鉅痛深水漿不入口而附身附棺詳慎周密勿之有悔啟大音公兆於陽山而合葬焉屆春秋祭掃卽年逾七旬瞻拜下含淚歔歔如有追弗及其終身孺慕若此上有伯兄早發先生四十載同居毫無間言有公事直任無推諉朔望謁家廟必隨行未嘗或先同休戚共甘苦堂以和樂名翠凝軒其晨夕依依勸酬慰勞

黃語處也見尊行或年幼必恭必慎以古稀老人執弟子禮恂
恂如總角時其事兄敬長若此嗟乎先生年十九遊邑庠
博綜淹貫自經史子集及形家素問罔弗畢該爲文章追
正始不屑屑鈎棘章句及門日益集訓迪不倦經指畫者
成一家言雍正壬子南闈獲鄉薦懸車教授懋修益勤其
潛心典籍淡於仕進若此生平居心誠朴與人坦易聞雌
黃語若弗知強梗至前親炙和光釋然退舍卽被侵奪委
曲撫柔事後絕口不一言性不喜道學名而言動舉止悉
得先儒理趣訓諸子崇實黜浮戒勿弋取功名有居官者

當如居家晚歲痛深摩詰一室獨居行吟坐研丹黃不釋
手尤愛繙章句或問語類等書進諸子詔之曰此晦翁一
生心血何書不包孕頂天立地人品何一不從此出吾老
矣不著作不經猷將來孰與俱往案上數卷耳壬申春一
夕異香滿室舉家疑之先生奄然而化遺命塋于茂苑之
玉屏山曰非求高燥近爾王父母邱隴既慰我瞻依念爾
子孫來見我自先見王父母不爾雖有吉壤非吾願也其
醞釀深醕慮周身後又若此先生

敕贈儒林郎

吳恒齋

誥贈中憲大夫戶部貴州清吏司提督雲南河南學政茲舉數
端約畧其梗概云

贊曰光風霽月厥德克明秉心孝友孺慕畢生雞黍承歡
几筵必誠綺歲清華根柢六經耄期好學不言躬行入全
天性出協物情積功累行韜晦元精孫謀貽厥弈弈崢嶸
賜進士及第

誥授中憲大夫陝西按察使司按察使眷弟秦勇均頓首拜撰

請藥中... 夫刺西... 病... 體... 其... 其... 其... 其... 其...

夫其... 西... 師... 良... 其... 其... 其... 其... 其...

其... 其... 其... 其... 其... 其... 其... 其... 其...

其... 其... 其... 其... 其... 其... 其... 其... 其...

其... 其... 其... 其... 其... 其... 其... 其... 其...

其... 其... 其... 其... 其... 其... 其... 其... 其...

樸庵先生傳
吾師樸庵先生姓周氏諱師淳字純公號樸庵五世祖諱維新
號曉江爲明諸生學問淵博品行純懿載邑乘高祖至父魯石
公俱名重庠序世其家學至吾師幼穎異讀書輒成誦祖惠心
公特鍾愛之六歲失恃哀慕如成人未弱冠補博士弟子員益
篤志嗜學爲文不習時下餽飭習窮經研史出入兩漢唐宋諸
大家疎蕩有奇氣督學使者按試俱目以國士每一藝出爭傳
紙貴顧困棘闈屢薦不售雍正壬子科房考官浙江姚諱世室
得師卷嘉嘆宿學列首薦卒以三場策語觸忌見黜親黨爲之

惋惜師自處淡然曰遇不遇命也而文已售不可謂無知我者
性至孝魯石公歿事祖母秦繼母施兩太孺人婉容愉色曲盡
孝養嫁兩妹稟慈訓奩必周宗黨咸稱之魯石公甫捐館遺稅
糧數百餘俱產去糧存時督輸嚴迫竭歷措辦家徒壁立而師
色宴如僅藉硯田供餽粥而親族窘告則典質周卹無所吝有
遠方及門爲家難千里來投館穀半載贈費以歸邑中廣仁同
善諸會必勸有力者樂施曰義當任卹富出財貧出力熒獨庶
有藉耳爲人不設城府少有不當輒義形于色事已則毫無芥
蒂故人無不憚其直而服其公善接引後學受業者盈門凡經

講授率有名膠庠而登賢書捷南宮者比比洛沐吾師教澤年
久且益深故樂道師之詳而質言之不敢以文辭飾師食餼三
十年將貢成均檄下考試已易簣蓋未竟之志有留貽於未竟
者子三人長振爲邑名諸生仲揆季拱亦次第掇芹香英英颺
舉仲君乙酉已獲雋鵲起蟬聯發軔有始信夫家學淵源之遺
澤孔長而亦吾師誨人不倦之實心佑啟後嗣食報正未有艾
也是爲傳

受業門人朱宗洛頓首百拜謹撰

受業門人宋宗辭願首百戰勤願
由是致勤

舉其引而沁香幽蘭人不計之實心辭意每歸其嚴百本自艾
舉其抹之西日蘇詩錯張職緝發傳亦贊其天其舉開列之嚴
香于三人其進款已途滿主軒對季其本入龍其草香英其魏
十平漁真如良燭下清結日長費盡本廣之百本酒能其孝寧
八月益新對樂鼓响之指而聲言之不難以矣其語詞其詞三
精銳率亦各別率而登覽書其南宮者其其格音韻其習平

秦恭人傳恭人承家風自是固不自棄其志也
周大母秦太恭人懷蓼先生之淑配余重堂女兒也祖太
學生漢仙公父廩貢候選儒學景星公以季子曰贊恭遇
覃恩敕贈安人晉贈恭人余觀恭人秉性孝恭治家肅慎嘗欲
爲作傳垂之史冊未果今因曰萬諸甥之請爰約畧其梗
概云恭人少失恃有同母弟一妹二弟甫兩週恭人奉侍
後母繾綣懇摯得其歡心以撫厥穉弟調護痘疹瀕危而
安兩妹猶齟齬導之習書數勤女紅俾克咸遵家訓時年
十有四也十七歸于周而周大母胡太恭人早孀性極嚴

一舉一動必循矩矱且舊患喘症往往而劇恭人先意承
旨隨懷蓼先生朝夕侍膳萱顏怡悅疾作時藥物必親手
製不煩婢獲康熙壬午秋懷蓼公省試南闈胡太恭人瘡
發悶絕一時醫治乏術恭人百計調攝晝夜哀禱請以身
代天鑒厥誠疾乃瘥維時緘齋先生居林下深慰藉之曰
吾家復得孝婦如是宗祖其默佑子孫永有賴矣康熙丙
戌冬胡太恭人一夕暴中不復言語但以手撫恭人且頷
且瞑恭人哀毀骨立一如懷蓼公自歌虞至甫窆勸助成
禮凡胡太恭人外家戚屬有貧困不自立者推愛贍卹勿

貽在天恫家計本薄復值多故所遺夙逋恭人區畫佐理
釐然廓清懷蓼公少多病飲食少進恭人維持調護纖悉
周密而一切家內陵雜事稔知懷蓼公不耐煩瑣皆手自
屏當絕不以溷遇歲災禱公私交困而又外侮內訌窘迫
實甚恭人節縮蠶鹽勤勞紡績早爲先事之備然而憊矣
嗣是婚嫁禮煩歲歲經營耗竭其精神窮殫其筋力且眯
者數載而亦不自惜也歲時祭掃豆籩酒漿必躬必親必
豐必潔不以故常畧不以倉猝弛終身奉佛了悟靜因而
座無濟尼之跡寢疾不信巫禱體羸氣虛勸進參苓弗納

自奉無兼味且持齋日過半服飾惟布帛畢生不製一
裘蓋性安闇淡長守儉約如此而親黨有緩急輒立應其
求慨然無難色奴隸中愚者黠者情狀變幻未嘗驟加詆
呵微言婉導開誠布公人亦解釋乾隆癸亥秋九月二十
二日遽患腹疾自知不起猶以虔祀祖先急輸官稅毋慕
勢利毋學浮薄諳諄告誡兒孫俾無忘庭訓嗚呼鞠躬盡
瘁死而後已古大臣風範也今恭人有焉懷蓼公長以此
二語自詠自嘆蓋追念恭人不置云恭人具遠識矢誠烟
不屑屑執冊學步動合古先聖賢成轍閨壺中有如周母

太恭人者幾耶若其相夫佐讀教

余言爰述數端以誌淑德是爲傳

賜進士及第

誥授通議大夫陝西提刑按察使司按察使

拜撰

鄉里共知無待

服弟桂川勇均

我蹟

請其也端大失刺西其匪對察對同對察身也照象其川其貴
國遊士式旅

余言受遊禮微以温琳游呈益勝

太恭人善幾匪善其休夫外歸幾于如存擬里其取無奇

小傳 省源周君傳 省源周君傳 省源周君傳 省源周君傳 省源周君傳
省源姓周氏諱弈清爲康熙壬戌進士錢塘令靜齋公諱宜振
之孫太學生大匡公諱金蘭之子母秦孺人省源之生也鮮兄
弟父母皆愛憐之省源晨昏定省能曲體父母心既入家塾師
講授左傳至穎考叔舍肉遺母事心竊慕之嗣後食必先奉父
母見者異焉祖靜齋公以康熙辛丑卒大匡公適抱病省源代
父治喪葬事附身附棺必誠必敬一切封樹皆躬親之人謂大
匡公之得無憾於其父皆省源之力也母秦孺人患癰勢且危
篤醫謂非藥石所能治惟吮膿除毒可愈省源齋沐顙天爲母

吮患處旬日果愈當吮癰時婢御皆走避而省源初無難色又
母病時矢願力行善事爲母延齡絮衣棺槨之贈殆無虛日雖
傾囊不悔曰但得吾父母長年此何惜也壬申歲母秦孺人考
終省源哀毀骨立奉父命卜葬於惠山第五峯馬鞍塢旣葬廬
於墓者三年清晨必入城省父昏墨至墓所風雨寒暑曾無少
間辛巳秋父抱病省源視湯藥朝夕不離見父病漸危篤心益
焦勞廢寢食者兼旬遂患咯血及父卒伏地長號嘔血升許視
含殮畢遂覺不支命長子曰吾命在須臾矣祖父喪葬事汝盡
心爲之我以斬衰殮可也語畢遂瞑去屬纊時僅半日云省源

生於康熙丙申六月十八日卒於乾隆辛巳八月十五日年四十有六配秦氏先卒子四人女六人省源少日常執經於予予知之最深因爲之傳

論曰予謂省源之死非願滅性從親於地下實因侍親忘疾疾篤云亡又省源居廬時自墓歸途中拾遺金十兩俟至暮失金者倉皇至問之言母死鬻女以殮匆匆遺失不獲吾其死矣省源聞言還其金令其贖女并贈金葬母其人搏頰問姓名省源曰汝之姓名吾不欲知吾之姓名亦無庸問也遂揮手去人皆以省源好行其德艷稱之不知此乃不置之思所旁溢耳在他

人所謂難能在省源則餘事也書其至行遂并及焉
 乾隆甲戌廩貢生考取國子監鑲紅旗教習期滿引
 旨候選知縣友生施禹言拜讓金卷冊其人轉賸問
 查意是上國文官出西嚮文以劍必必豐大不難吾
 其派矣金
 派元之文皆著錄臺報自遠離殺中計世金十兩
 計至暮矣金
 謂曰予聞告而文其其融越抄筆錄錄帳不實因
 計賸法趣逃
 以文對語因置文册

十廿六日奉及於卒于四月八日六人皆派小
 計詳詳詳
 出英進照丙申六月十八日卒德諱劉字日人
 其十五日止

省源周君傳
周錫省源以乾隆辛巳八月十五與父同日卒於寢室予哀其志而傳之省源諱奔清歲貢生係出宋濂溪先生後祖靜齋諱宜振康熙壬戌進士歷任錢塘令父大匡諱金蘭太學生母秦氏卽予堂姊省源又予婿也惟予知之最真大匡艱於得子有女六人子惟省源父母奇愛之幼入家塾師爲講穎考叔舍肉遺母卽憬然慕後凡飲食必先奉父母命之食然後食祖靜齋高年能佐父奉養怡怡色笑得老人歡心以後一切喪葬之事咸能助理今大父墳塋松楸蔚然可知也既鮮兄弟母中年病

癰醫謂非藥石所能愈惟吮膿除毒可已疾卽齋沐顙天爲母吮膿毫無難色後果愈愈後爲母力行善事凡施棺木絮衣多方措辦每年不絕壬申歲母以壽終哀毀骨立附身附棺俱能盡禮營葬廬山晨必入城省父昏則至墓所風雨霜露不避勞瘁一日自墓歸路有遺金拾而俟之其人果泣而至曰實因母死將女鬻銀十兩備棺槨之需匆匆遺失今必死矣詢其物件相符遂還之又贈銀十兩令其贖女葬母其人搏顙而去辛巳之秋父先病痢始則親侍湯藥手滌糞穢病篤忘寢食者幾晝夜遂陡發血症不可遏止及十五日清晨父卒號踊哭泣血如

湧泉余見憐而慰之省源雖聽無如孝出至性病莫自由含殮
事畢遂淹淹一息神氣不收溘然逝矣遺命當斬衰入殮必葬
我於先人墓側其至性過人如此卒時年四十六配秦氏卽子
次女省源子男四人女六人俱幼當別有誌

嗚呼周固錫之右族自先大夫與靜齋公訂交最久故予與
大匡結兒女之親焉觀省源少時恂恂一佳子弟初不知其後
之從義盡孝如此有足以勵末俗而敦倫化故書之以遺其後
人

欽賜翰林院編修愚舅蓉溪秦壽然頓首拜撰

幾何辭林詞賦新思異蓉菊秦壽然勸首釋幾

人

文公美聖事禮也一以足耀末符而蝶身身站特之以既其

夫到詳取支之照流歸春照小却研研一卦于浪既下既其

細平固固說之存意口一長大夫與鑄存立信交疑入結下與

定文肖照千畏國人丈六入身收當嚴育

此第染人墓顯其至抄極人映批卒胡平國十大面秦丑

連學遊齊齒一息聊兼不郊盡然渡矣蠶命當神察人愈心

屬泉余貝粉而懸之省焉繼繼無暇幸出至抄既莫自由念

顧孺人傳

先嫂顧孺人飛九公之女而吾伯父慎思公子婦從兄廣平公之配也慎思公家業中落廣平公出贅顧氏甫旬月廣平公卒孺人年僅十八晝夜哭泣勺飲不入口欲從廣平公於地下飛九公曰汝雖視死如歸奈有七月之孕何幸得生男尙能留一綫緒汝未可輕生也孺人感悟強飲食閱二月生子棟矢志守節撫孤而慎思公方阨於窮無一瓦之覆一壠之植未幾復病歿熒熒母子其何以自立耶余時尙幼不克盡知但憶慎思公營葬時孺人抱孤號

慟聞者莫不流涕豈非窮無可告故其哀苦之聲感人至此耶易曰苦節不可貞孺人境愈苦志益勵操益堅卒克以貞自守始知艱苦備嘗者孺人之身也知命之所在而恬然安之者孺人之心也傳曰悅以行險九五曰甘節吉孺人其無愧於是乎孺人甘淡泊勤織紉寸累銖積置田十餘畝又置房屋一所以投其孤嗚呼孺人撫孤二十餘年以養以教俾至成人併克遺之田宅使有所賴其爲裕後計亦遠矣其所以自成者亦至矣今國家砥礪名節凡守節者有

題旌之例而孺人力不能具

題至今湮沒不彰其何能無憾耶雖然發之驟者易竭蘊之深者靡窮予於孺人卜其後之必昌云爾孺人生於康熙二十七年戊子閏三月二十日卒於乾隆十三年戊辰八月初九日享年四十有一啟廣平君之兆於秦伯鄉竭字圩而合葬焉子棟娶鄒氏卽慎思公之甥女也孫二煜炤論曰節之烈者大義感激趨湯蹈火輕生一時或可免爲惟天人交困自處裕如如嚴陰沍寒松柏常青斯爲難耳孺人志行烏可沒耶

蘇人志... 叔氏燦拜撰

謝天人... 蘇人志...

備曰... 蘇人志...

西台... 蘇人志...

歷此日... 蘇人志...

十十... 蘇人志...

昔... 蘇人志...

蘇至今... 蘇人志...

蘇人志... 蘇人志...

弟民表傳略

弟名泰巖字民表祖爲叔祖子灼公父爲叔父元音公子灼公
早卒元音公僅十二齡耳家貧幼孤事母克盡其孝年四十四
遘疾而卒卒時民表年十八矣弟明亮年十六先是元音叔嘗
謂兩弟曰子以家貧奉母無資不得不奔走爲菽水計然士之
子恒爲士詩書固箕裘業也我以奔走不得紹承先業心竊恨
焉汝等當立志無忘先業也至是民表泣謂民亮曰大人長逝
矣平日之詔我兩人者謂何而可弗體大人之志乎但家徒四
壁畧無活計奈何奈何先儒有言學者以治生爲急况母氏在

堂饗飡弗可缺也因與民亮約曰我資性魯鈍恐未能精究學業汝稟賦羸弱恐未能肩任勞苦自今以往我自謀生以奉母氏汝殫心勤學以繼父志可也於是身親闾闔畧不以家畧擾其弟殆終身如一日云民表孝友本於至性母嘗患劇痢民表匍匐仙壇哀懇仙方以愈母疾得方則灌手長跪煎藥奉母母服良愈似有神助人以爲孝感所致凡母有求必竭蹶以進弗敢以力詘諉也又母嘗憐明亮賦稟薄弱民表先意承志飲食必推讓甘肥非孝友之出于至誠而能若是乎民表性伉爽見機明決宗族鄉黨事有疑難待君一言而決凡事關祖宗尤竭

力措辦書曰惟孝友于兄弟施于有政殆庶幾矣余嘗赴鄉民表止宿見兩弟婦分司中饋何有何無各自黽勉妯娌怡怡相爲依助畧無彼此周子謂家人離必起於婦人以二女同居而志不同行也今二女相同若此又何至兄弟之相尤乎於此益見民表之孝友爲不可及矣癸未秋八月忽患時疾因至不起年四十有七配惠氏子三旭晞昂

論曰余家自力田公以來俱以孝友傳家而養蒙公爲尤著今之得邀餘慶皆養蒙公之澤也民表之孝友若此庶幾可以承先德乎孔子謂天之生物必因材而篤栽者培之傾者覆之民

表之克培天福以裕後人夫易量哉詩兼香社之財產遊之具
文辭蠲籍與香齋業盛之聲由見永棠拜撰香社魚費可以承
簡曰余來自田公以來財以奉之斯樂而資業盛益武善全
羊四十有步頭惠丑壬三財鯽鼠於今
見因奏之奉文益不可氣突突未煉凡民陰惠和樂因至不勝
法不同計也今一文掛同善此文可至泉策之財武平氣此益
益料想界無遊此則子開寒人難必味筑誠人以一文同善而
表五爵其兩策撤長后中齡何育何難吞自則蠲賦賦計計用
武辭撫書曰則奉文于其策誠于亦如欲惠樂矣余嘗往觀其

桐里雲閒周君傳風中嘗博習愈之可謂孝文其克休夫下而
言獄之辭余益竝然育審草之烈突可悲也夫朱無錢文刃余
余友雲閒周君諱燦邑諸生與余並出翠庭雷先生門下余得
交其人二十餘年相規以義相勵以文未嘗一語及於藝君爲
人言笑不苟溫恭自持敦本好修士也其居家以孝謹稱君之
居距城十里余未嘗登君之堂親見其怡怡色養然見君之敬
其兄如事父知其必有以致敬於母夫人也兄既歿君撫諸孤
教養婚娶見君之視兄子如己子益知其有以致敬於兄也夫
稱孝謹不虛矣然君嘗語余方十六歲而孤母若兄日夜望其

讀書承父志絕不以家累擾其心則可知君家之堂敦睦歷
數十年無間言其兄始之君成之母慈而子益孝兄友而弟益
恭此在君不爲難也獨其少時卽能還遺金遠邪色介然不易
其所守此雖一二細行似不若孝友之尤爲大端而古所謂不
失身而能養志者實始基於此余乃歎君之過人遠矣君之晚
年人幾百指家徒四壁而處之宴如顏其廬曰尋樂處於乎此
可見君之所養者深也君旣卒有年其子翀以余知君久乞余
言爲之傳余益泣然有宿草之感矣可悲也夫配孺人王氏余
同里仙臯翁女翁風中嘗割臂愈之可謂孝女其克相夫子而

稱賢對也宜哉

公傳

公年廿餘年... 志氣... 公

公年廿餘年... 志氣... 公

公年廿餘年... 志氣... 公

公年廿餘年... 志氣... 公

公年廿餘年... 志氣... 公

公年廿餘年... 志氣... 公

公年廿餘年... 志氣... 公

公年廿餘年... 志氣... 公

武字族祖宏律公傳

公諱君樂字宏律爲吾遷錫始祖四一公二十世孫考恒延公
早世公年十三孤苦幾無以自存母費孺人紡績爲生躬親教
養授以書卽能曉大意以家貧不能卒業稍長習百工藝卽決
然舍去曰賤役非吾事也後乃往遊蘇郡卒以誠實見信於人
人有營謀咸樂引爲助用是公之境遇稍通而家亦漸致成立
爲人慷慨有志節敦孝弟循循如也恒延公有兄二曰裔延曰
進延其後俱困苦悉周恤之國課亦爲完納族叔宗儀早故孀
嬪袁貧無以養公按月給以薪米無缺每念力田公始遷宅基

所建翠晚堂宅第已盡歸於費氏堂前基地亦爲費氏有公乃獨出已資爲承分之裔理回并存正間一室至今咸得耳而目之曰此吾先人之舊廬也其餘樂善輕財諸盛舉都稱是公生子三人長芳烈次光烈次嘉烈早歲俱令讀書嘗謂諸子言吾少時以貧失學所誦習無過學庸論語然於修齊治平之道格致誠正之功未嘗不心竊慕之願汝曹他日謹體此意無忽以是公三子咸醕謹樸實雅有父風長君芳烈嘗以歲旱經理塘務鄉人尤敬服云嗟乎吾周氏自遷錫以來子孫繁衍分爲八支宅基其一也族故多科名仕宦而公特布衣終身人或以時

遇之窮爲公惜然吾嘗見世之人食貧居賤餬口四方其湮沒而無聞者固不足道卽稍克自立又或坐擁厚賞屑屑焉求田問舍爲終身溫飽計而公獨殷然有志於復先業訓後嗣此卽讀儒書修儒行當世所謂功名顯達者其所見奚以過哉歲丙午公之孫玉穀肯穀以族人將續葺支譜序次公事而以傳屬余余受而讀之乃益歎世德在一門凡子若孫之後先濟美者其淵源誠有自來也於是乎書

白土支裔錦江頓首拜撰

所建之既堂也其間也蓋於費氏堂前其地亦為費氏有公乃
其間賦歸存自來也賦是乎書

余余受而歸之氏蓋漢則齋在十四其于詩祭之歸去幣美清
乎公之歸王據肯嫁以越人隸降在吏歸京矣公事而以禮歸
蕭蕭書遊歸行當世祖隨也各願齋香其也其矣以歸為歸西
問舍欲歸良感歸情而公歸雖然亦志於其業歸對國典也
而雖問昔因不呈歸而深哀自立又如坐無以費氣氣歸來因
極之歸氣公歸無善嘗良州之人食貧其艱隘口四式其聖對

南臨先生傳

自古立身行已卓卓可傳者以無愧於祖宗無慚於父母爲最重而富厚貴顯不與焉余表叔瞿星船有總角時從遊業師者命持其先尊人行狀訂余作傳余閱之諱自杞字南臨周其姓也父諱浚字日宣早歿母氏唐孺人撫成及長資於鄒爲修園壻家故貧朝夕負米歸養有歡承菽水風鄉人稱願然曰幸哉有子日宣在九京慰矣周氏自曉江公子分伯仲叔季四支叔季兩立廟而季廟毀於乾隆三十六年久不葺治先生矢志修復適從兄永昌太守諱際清者致政歸遂相與協力經營規模

大備閱數年而惇敘堂成復借永昌公定議曉江公後四支合
廟祭享於每歲仲春戊祭之明日萃子姓兄弟共祀一堂以益
敦親睦之誼而伯仲之先靈亦妥焉維時族人如含清學博霏
軒定齋兩大令畱香明經均負鄉里重望無不翕然稱善美永
昌者兼美先生嗚呼如先生者殆近今所罕覩矣余竊歎世之
人擁鉅資據顯位其願力之豪雄無施不可然但知爲身家計
爲妻子計一旦與語敬宗收族若非分內事而晨昏供職且視
爲具文儻聞先生之尊祖如是孝親如是不滋愧耶以彼絜此
孰傳孰不傳必有能辨之者男子四長炳次熾次煦次熙旣卒

葬某所之原其他善行不勝書書其大者以傳之俟表叔以復其師之訂

世晚生王步雲拜撰

不售遂屏謝浮華專心樸學深究易理考訂數十年著得一篇已刊刻行世又著易圖彙解數卷爲安彙占徐舫亭錢繡峯諸先生所鑒賞秦小峴侍郎修邑志知其學有發明載入志中其他踐履篤實行修言道善不勝書要之先生學以躬行爲主而推行悉本家庭以心得爲歸而著述皆關性命嗟乎流俗所謂誦讀者以能文章取科第耳而庠序其身郊遂其行何可勝道必如先生者乃無負雲間公遺言信可不墜家風也生乾隆辛未三月某日卒嘉慶庚午二月某日得春秋六十配華孺人有閩德後先生二十七年卒合葬祖瑩子一玉照孫二誦芬漱芬

賜進士出身

誥授中憲大夫廣東督糧道前戶科給事中世晚黃宗漢拜譔

計中憲大夫魏東晉巖嶽前可保錄專中冊彈黃宗萬其鷄
國畫十出裝

皇清誥授朝議大夫雲南永昌府知府抑亭周君傳世襲武生
周君抑亭諱際清字斯盛系出濂溪先生後先世自毘陵
遷無錫以儒世其家敦實行父坦菴先生績學不遇子三
人君其長也君篤於孝友涖官二十餘年遇事詳慎必協
於中然阨於時命不獲究其用乾隆甲戌君與余同舉於
禮部從政刑曹君自以刑名非所素諳乃日夕精研律例
求古人忠厚立法至意數月卽能決疑獄而持其平上官
爭器重之嗣兼提牢廳事犴狴間多愷悌聲一日謂余曰
吾庚午登京兆榜吾父方遠羈南粵將由津門航海以尋

吾父而遽得家書歸有日迨吾旋里而吾父亦先後至一
生快事莫盛於是今顧以大父母年高不能跋涉迎養之
情缺然此吾所南望涕零者耳余聞之乃知君天性淳篤
今日愷悌之聲固其餘緒也前後官刑部十數年凡鞫獄
必反覆推求以致其生故凡經君所勘讞者無復抑枉云
戊寅春太夫人有疾君得書晨夕傍徨不能視事而時值
秋審需練達才上官不許請假君泣告同年杜公凝臺代
爲陳情乃得請踉蹌而南不及視含殮君椎心泣血啣恨
終身服闋婚娶兩弟支撐拮据絕不貽坦菴先生憂先生

呼兩季詔之曰汝兄立心行事如此真可繼祖宗孝友之
風其各教爾婦黽勉同心保茲和氣吾無後顧憂矣其事
親先意承志類如此己丑年冬威寧州某揭部科是時君
爲刑部郎中奉 四來 人 與 前 孫 又 孫 孫
命隨內閣學士富公察善往黔中鞫審續 守 沐 語 曰 景 麟 對
命少司寇錢公維城協辦案甫結復奉 又 愚 鹵 莽 而 出 此 不 意
旨往桐梓辦刁民聚眾案而古州苗香要適爲逆復隨錢公進
勦擒首逆寬脅從民苗皆帖伏既復 吾 年 正 十 必 歸 襄 陽
命卽奉 命 卽 奉 命 卽 奉 命 卽 奉 命 卽 奉 命 卽 奉 命 卽 奉

特簡雲南麗江府知府君以道遠不克迎養鬱鬱不自得灑淚
語其季曰弟素能得老人歡幸善事吾年五十必歸養也
遂行由滇省之任所途聞所屬鶴慶州生變人情洶洶或
謂既未任事盍緩行以伺之君曰民愚鹵莽而出此不速
爲解散且成大獄遂驅之民間新太守來相語曰是鞫獄
桐梓有恩信者則聚數百人聒而訴於輿前君反覆慰諭
令明日投詞衆稍稍散君故知釁由州吏廉得其要領卽
夕械繫數人於獄黎明衆復集堂下號冤索狀詞詞從人
叢中出君視之怒曰爾等懼禍耶無主名吾何從白汝冤

汝等今眞赤族矣眾愕顧有問乃進老者數人名君召之前論以所控之非且述桐梓首難者所得禍眾感動謹呼曰太守活我遂散去後數日擒爲首者予杖吏除名枷示州牧亦以他事罷去之民大悅先是君入城守者衷甲入見曰將請兵制府君止之及是計所全活不下數千人君以白撫軍撫軍以爲能留攝雲南府事數月境內稱治旋調楚雄君憫其俗不知學設法指授文教日興俄以他事牽連掛吏議鑄七級君欲謝歸而諸大吏連章保留補知永昌府整躬勵俗威惠並施制府圖公思德案君所屬保

山永平侵帑意并疑君已乃得保山出入總簿內列收回
本府門禮一條乃知君故清廉欲以廉能聞於

朝而君力辭解印綬曰吾思歸養久矣明年吾年適五十也
是歲丙申坦菴先生尙強健承伺意旨色笑爲歡或從遊
山水間擬終身不復出而山右巴中丞素聞君名奉禮幣
請入幕君以親老堅辭坦菴先生固命之行乃往就後應
明撫軍之招亦如之癸卯冬坦菴先生卒哀毀不欲生越
數年仲弟寢疾幾殆君方從事兩浙卽馳歸躬調藥劑每
夜問視輒十數起曰吾兄弟相依爲命豈肯令溘先朝露

增吾老景悲耶君兄弟子姪至今不析產業嘗曰吾家仗此和氣度日耳何物可私爲已有族有孤孀不自存者挈而養之家俾無失所則又由同氣而推之一本云噫邇於同年諸子惟君結契最深世之稱君者第謂其處事明練立心仁恕操守尤嚴介故惠在秋官功垂守土洎引疾歸田囊無長物百姓攀轅泣送者踵相接誠近日士大夫所希有豈知本根所在一由天懷之篤摯醞釀焉而推暨焉也耶子輿氏謂良知良能達之天下抑亭其信有之也已癸丑之春余請假歸道出梁谿訪君於里第相接甚驩且

訂秋間投轄罄平生懷孰意竟不可得也悲夫君以八月
某日卒於家年六十有六著有奏疏數卷子三玠瓊瑋
贊曰余讀君陳惟孝友於兄弟克施有政夫子推其意以
告或人考亭朱子復以推廣此心發明其旨今觀抑亭自
事父母而友兄弟而服官政實能貫以此心推行靡既余
故錄其大要以著於篇用以風勵急功近名而不識此心
者也余又聞坦菴先生遠遊時太夫人秦刺繡自給抑亭
方幼卽飲泣曰吾不能分父母憂是非孝友根於天性乎
噫此心之厚薄亦有天焉也耶

賜進士出身

誥授資政大夫刑部右侍郎年愚弟王昶頓首拜撰

精製資效大夫既將古昔淑爭愚漢王既歸首其

顯並士出泉

吾族自宋四一公始遷無錫張塘里至力田公卜築宅基又三傳至曉江公生子四後遂以伯仲叔季分四支叔支從弟諱芳烈字日新自幼與余同師習學天資穎悟恭謹安詳師甚器之顧叔父宏律公在蘇郡經營弟以家事紛紜不能卒業年十四卽出塾代父經理家務以勤以儉勸厥成家性孝友幼弟嗣出及分晰時仍給以產並予膏腴之壤以隱體其親愛憐少子之情其友于誼篤有如此既而父母俱亡擇地卜葬已有日矣同族某勾串把持先將棺葬墳內以阻其期族眾聞之怒甚欲懲

以家法弟不忍反爲勸解並私予某以資由是某感激亦化而爲善其寬厚待人有如此外祖唐氏乏嗣宏律公養生送死且爲辦納墳糧弟承父志始終如一至於今不廢值歲大旱經理塘務其集資以公其董役以勤其於工也期普利而持久畧農皆敬服事竣有張樂設飲之歎所謂仰不愧於天俯不怍於人者其在斯人歟嗚呼余與弟幼同學長同遊曾幾何時去吾而沒者忽忽十八年於茲矣余自慚老朽常罹日疾以度餘年回憶曩時風流雲散大半闕如余雖欲卽其和樂之音爲之吹壎吹篪竟泯沒焉而不可得悲何可道適因續修支譜弟之子雪

香頌揚茂揚乞余作傳以紀其生平余甚喜三子之有志適符
吾老邁之所思因口陳大畧卽命雪香繕寫之焉

從兄煦撰